

愚

齋

存

稟

愚齋存彙卷第六十四目錄

電報四十一

北京伍侍郎來電

寄美京梁大臣

又

外務部來電

鄂撫端午帥來電

寄蕪湖張香帥江甯魏午帥武昌端午帥長沙趙次帥

寄香帥

湘撫趙次帥來電

江督魏午帥來電

寄魏午帥

外務部來電

張香帥自江甯來電

趙次帥來電

寄趙次帥

北京楊道文駿來電

粵督岑雲帥粵撫張安帥來電

寄武昌張宮保端中丞

寄外務部

又

寄美京梁大臣福參贊

寄成都錫清帥廣州岑雲帥張安帥福州李勉帥蘇州  
恩藝帥杭州聶仲帥安慶誠果帥南昌夏菽帥武昌張  
香帥端午帥長沙趙次帥開封陳筱帥濟南周玉帥  
紐約福參贊來電

湘省紳士來電

王灼棠中丞自長沙來電

張香帥自南京來電

寄美京梁大臣福參贊

張香帥端午帥來電

寄湘紳龍侍郎湛霖諸公

寄長沙王灼棠中丞

寄張香帥端午帥趙次帥

寄北京伍侍郎

寄美京梁大臣

又

張香帥端午帥趙次帥來電

寄外務部商部

又

寄美京梁大臣

寄伍侍郎

外務部來電

寄京外務部

鄂紳李方伯紹芬等來電

梁大臣來電

太原張筱帥來電

寄張筱帥

寄端午帥轉交鄂紳李方伯紹芬等

寄梁大臣

梁大臣福參贊來電

又

寄魏午帥袁慰帥

魏午帥來電

寄魏午帥

寄北京楊彝卿觀察

外務部來電

寄外務部戶部

寄京外務部

又

外務部來電

寄外務部

外務部來電



愚齋存彙卷第六十四

電報四十一

北京伍侍郎來電

光緒三十年三月十三日

福公司請添設鐵廠照部電須俟出產興旺可稟  
由督辦大臣允准再於別處商量設廠並非謂開  
一礦卽設一廠至繕造核算仍須與督辦大臣商  
准該公司原不能擅自興辦但權利所在誠如尊  
慮不可不防後患乞再與哲切實磋商斟酌損益  
以期周密仍與部電大意不相違背爲主

寄美京梁大臣

三月十四日

法併粵漢礙國際請告外部如不全用真正美員必廢約

又 三月十四日

福到外部如何有人疑福聯比黨切囑謹慎駐華美員須要正派不受比黨挾制者並告福

外務部來電 三月十四日

日商訂購生鐵既係商運商銷日使來函並聲明運至日本作為商工製造之用且係未經精鍊之鐵與製造軍器材料不同自不得以禁貨論現據總稅司呈擬辦法生鐵並各類礦產倘運往戰場

不給准單若運往俄日兩國境內卽給准單惟貨主冒險販運設被戰國拘拿應自擔其責等因此項生鐵卽可照此辦理本部已札飭放行希查照鄂撫端午帥來電 三月十四日

萍鄉設槍砲廠地勢極合方意擬集甯皖贛鄂湘蜀之力就萍鄉合辦一廠其建廠並常年經費由六省合籌購置日出三百枝槍機器歲得槍十萬枝若經理得人數年之後當敷各省練兵之用已與香帥面商並電商邵陽矣

寄蕪湖張香帥江甯魏午帥武昌端午帥長沙趙次帥

三月十四日

奉端午帥願電萍鄉設槍砲廠地勢極合擬集甯皖贛  
鄂湘蜀之力就萍合辦一廠已與香帥面商並電商邵  
陽云湘中設廠前議未果良以的款難籌若蕪湖之外  
另設恐願難償宣所以轉達李彭之言實因江防難恃  
鄭蘇堪談及蕪廠應作砲台以禦劫掠濬內河以利轉  
輸合參兩議與其江口多糜經費不及湖內足避兵險  
至煤鐵相連在商礦不過多一銷場在官廠平時就近  
買煤鐵價可較省戰時可免日本開平煤封禁耳此皆  
小焉者也其大者只在比較堂奧深淺險阻難易而已

局外芻蕘香帥午帥諒有卓見

寄香帥

三月十五日

李維格議在湘東設化鐵爐以就煤鐵其地已通鐵路濱臨湘河屬萍鄉縣距城三十華里與湘境毗連距醴陵縣城六十華里醴陵至株洲路線三十英里自造鐵路限來年四月通車株洲卽與粵漢幹路相接軌未通前煤礦極大機件發水時亦由河道直運湘東做處只有鐵道圖照繪分寄甯鄂鈞駕何日由甯返鄂乞示

湘撫趙次帥來電

三月十六日

端帥合辦之議異極佩已議請協謀務成至或萍

或醴須相地勢總以借助鐵路爲主小團允讓尤  
感已催其迎養矣

江督魏午帥來電

三月十七日

願電萍鄉之議深佩卓識惟香帥云六省合辦一  
廠事權難一趙次帥電云醴潭之間淶口地方更  
便轉輸當持尊議與香帥婉商俟有頭緒再爲奉  
告醴潭鐵路何日接通轉運是否爲難並望詳示  
辦理萍鄉礦務張道贊宸於該處形勢極熟聞其  
近日到滬可否轉請便道來甯俾得面訊一切至  
爲感盼

寄魏午帥

三月十七日

霰電具叙虛懷醴陵至株洲鐵路限來年四月接通湘東瀕河水陸兩便故議添設鐵廠地勢平濶足敷布置距醴界三十五里尤爲深奧六省合辦確恐事權難一最好將灣址一局移辦加以六省預支槍價以助洋稅分年撥款之不足可期速成財力艱窘旣營灣址則他處自應罷論張道已回鄂矣

外務部來電

三月十九日並致袁慰帥張香帥

滬未電聞葡約六款經本部將三四兩款函詢總稅司據復稱兩款較現時辦法尤覺周密惟此事

要領係在日後由澳官會同海關擬議辦法其詳細非北京上海所能議定須在澳門按該處專情訂辦其辦法此時本能卽在新約內敘明俟將來議定可作爲條約附件等語查第二款承認新定稅則等三四款協助稽核稅釐所言與二十八年續訂條款及分關章程大致相同不必再列以免爲索酬地步第五款免出口稅第六款西江行輪亦斷不能允希酌照駁復

張香帥自江甯來電

三月二十二日並致外務部  
袁宮保

葡約第五款最謬澳門華民不過一萬人何至歲



需六百萬石之米明係藉端出洋牟利此粵省向來積弊漏卮之巨洞所深知萬不可許猶記洞在粵時粵商請准運油占米接濟澳門情願認捐米數無多大約數十萬石而已粵省人稠米少年年仰給洋米若本境之米多漏出而反以重價買外洋進口之米情理顛倒民食益艱民生益蹙粵民必譁變亂必起且東洋流寓華民極多若日本援例何以拒之即使完稅亦萬不能允許至於西江行輪漫無限制自宜駁斷總之此後議約惟在聚精會神與德法俄三國辯論至葡乃小國乘間攪

擾儘可直言駁斥甚則不理不宜多立條款無意  
中爲諸大國開方便之門也請察酌

趙次帥來電 三月二十四日

湘省紳商聯名稟稱聞粵漢北段有比人假名入股實係承辦之說查公司向以股分多者爲主股去而權卽隨之移易名美而實比名比而實法也此事關係太大湘人首受其害斷不承認務請查照合同第十七條照會美使將約作廢歸湘承辦等情查第十七條合同不准轉於他國若美售與比顯係背約理宜作廢請公力爲主持以慰湘紳

之望祈電復

寄趙次帥 三月二十四日

湘紳聯稟甚是做處已派洋員到美具節略面呈美總統力爭第十七條昨接美電已交律部會議聞美律不能禁止美公司售股票與他國人但能爭到美公司借款他國人雖有股分他國政府不能干預其事第已請外務部轉告美使請將美約作廢尙無回信大約美使無權管理可否請尊處迅速會同香帥電致駐美梁使趁此美廷交議之時速向理論以助做處委員之力大局幸甚

北京楊道文駿來電

三月二十五日

連日日本大勝已據九連城安東鳳凰城並分兵  
由旅順東登岸襲據金州至旅鐵路已斷阿督已  
退出旅順日本復沈船九號將旅順口門堵住則  
旅順必爲日有聞俄已據新民廳築台抵禦日必  
分撲遼陽牛莊以斷俄之鐵路恐俄一不支必敗  
走遼西朝陽一帶必形喫重設有竄擾我將何如  
未聞籌及殊切杞憂昨已詳稟諒尙未達

粵督岑雲帥粵撫張安帥來電

三月二十五日

越南增兵確有其事惟尙無尋衅意滬報稱兵已

至龍州係謠傳可否飭更正免搖惑人心楊使頃  
電普蘭店青泥窪亦爲日蹙捷報到舉國若狂云  
俄軍海陸皆挫戰事必有變幻我應如何自救請  
示崇籌滬上多賢達有何卓見亦願聆悉

寄武昌張宮保端中丞

三月二十五日

趙次帥濛電

云云見上

查梁使前函有美比分辨南北

之說當卽執約力拒甯使北段停工嗣接美函指爲謠  
傳並無分辨惟美外部詰問美公司復稱公司例不能  
禁賣票與他國人並可隨時買賣敝處一面函請外務  
部轉告美使將美約作廢一面派洋員福開森赴美已

具節略面呈美總統力爭第十七條昨接美電已交律部會議聞美律不能禁止公司售票與他國人但能爭到美公司雖他國人買票他國政府不得干預其事便無妨礙可否請尊處迅速電致梁使趁此美廷交議之時速向理論以助福開森之力大局幸甚

寄外務部

三月二十五日

呂大臣會電

德總領事克納貝來云已奉本國訓條派議商約如津鎮鐵路合同早定即可開議意在藉路要挾促令速定合同常答以鐵路商約原是兩事不能牽連且議約早遲無關緊要隱杜其要挾之意伊亦無詞可對惟將來

鐵路定議時望卽電知近議如何并乞示及

又 三月二十五日 呂大臣會電

精琪來滬已會議數次逐條討論似尙透澈惟思改定國幣要使同行一律無所阻礙創辦甚非易易尤未便令外人干預以尊主權而免攘利所有歷次問答容俟議竣彙呈鈞鑒

寄美京梁大臣福參贊 三月二十六日

湘省紳商公稟粵漢名美而實比名比而實法關係太  
大湘人斷不承認請照會廢約等語律部會議望將民  
情轉告外部

寄成都錫清帥廣州岑雲帥張安帥福州李勉帥蘇州  
恩藝帥杭州聶仲帥安慶誠果帥南昌夏菽帥武昌張  
香帥端午帥長沙趙次帥開封陳筱帥濟南周玉帥三  
月二十七日 呂大臣會電

日本總領事小田切面稱九連城之役日軍雖大捷傷  
亡幾及千人臨難不避深堪嘉憫擬請貴國官商公議  
撫卹傷亡家眷豈獨存歿其感抑亦士氣百倍此事志  
在救濟與中立之例無妨倘礙難明辦卽乞密辦等語  
竊思明辦實有窒礙但彼既有此請似難漠視若勸各  
省紳商協助亦恐招搖滬上紅十字會捐款係中西合



辦又難提撥鄙見只可密約數省合籌一款交小田切轉送彼國附奏撫綏並囑不登報紙昨先電商南北洋午帥電復照尊議最妥俟有成數再行密交又慰帥電復美民曾爲日集撫卹資法亦爲俄集聞均甚鉅我官商本當有此舉況小田來請尤無卻理亦未便太少密約數省合籌辦法甚善但恐無多倣處當竭力湊集如南中義紳有願募勸者亦可聽之等語謹特密達如卓見亦以爲然可否請酌量籌助以厚邦交似各省所費公款無多於將來結束東省大局當有裨益並祈示復以便密告小田切轉電彼都

紐約福參贊來電

三月二十七日

節略經森呈後昨梁大臣照會美外部詢以三事  
一美政府是否以爲合興實係美國公司二美政  
府願否專權辦理關係該公司之交涉事件三美  
政府願否將對待粵漢之定見及保護之主義宣  
布於衆本日復稱美政府以爲合興實係美國公  
司若照現在經理辦法美國政府獨自有權辦理  
關係該公司之交涉事件美國願將對待粵漢之  
定見及該路合宜事件極力相助之意宣布於衆  
如該公司改其規模辦法不合美政府之旨卽不

可承認襄助等語大局既妥森今晚赴紐約

湘省紳士來電

三月二十八日

前讀粵漢鐵路續約精密謹嚴同深欽佩惟時閱  
四年湘省全境尺寸未修核與五年畢工之條已  
爲曠誤乃美公司近復售股比國尤與第十七條  
顯背讀公致撫帥電意謂宜由外務部商部與彼  
政府使臣磋商查美國政體與他國不同合同非  
政府所立例不干預公使向未經手尤不相關官  
樣文章深恐非徒無益惟有我公切詰公司背約  
之咎立廢合同方爲正辦查該公司售股與比不

管售股與法東三省之覆轍能不寒心全湘命脈  
繫公一身素仰公忠必能保衛湘邦挽回危局迫  
切環求伏祈鑒鑒湘紳龍湛霖王先謙王之春馮  
錫仁張祖同黃自元率全省士民同叩

王灼棠中丞自長沙來電

三月二十八日

鐵路一事頃由湘紳合電籲懇並已實籌合股自  
辦非以空言抵制外人也惟乞公專向該公司實  
力駁詰驪珠在握大局即可挽回此外更無辦法  
顧當時苦心定多委折春相知有素且亦略稔情  
形卽次帥亦謂尊處倘有爲難義當協助擔承不

容稍有漠視日內張道鶴齡尅期赴滬面稟各情  
伏乞開誠指示湘局安危惟公攸賴公之甘苦湘  
必同之

張香帥自南京來電

帥三月二十八日

並致端午

滬徑電鄂感電悉他國政府不干預一語僅屬空  
文恐不可恃現明明有合同第十七條可據而美  
公司已不遵守若稍與遷就彼知背約並不爲害  
將來他國干預更可放膽徑行況股票既售與他  
國權利卽屬與他人縱公司仍由美商出面亦不  
過聽命於比法供其指使於中國大局豈能有絲

毫補救前日接見此間美國領事馬墩談及粵漢鐵路事鄙人謂美公司不應售票於比國比用法款致將來路權爲法人所攘美領事亦深不以爲然謂言及此甚覺可羞並未以美國公司例不禁售票與他國之說曲爲該公司解轉謂中國儘可將此合同作廢夫以廢美公司合同卽出自美領事之口可見公道自在人心而利害所關固無可容其遷就竊思美律不禁公司售票與他國者當指零星散股而言斷非盡分地段售與他國承辦可援此例否則合同第十七條美公司當時卽不

應承諾美領事此時豈肯直言當廢乎總之合同第十七條是此案鐵據萬萬不可通融務望杏翁切電梁使並飭福開森極力爭辯必辦到廢約爲止倘此時稍涉含糊不照合同第十七條辦到將來設有他國干預其事誰執其咎甚可寒心祈杏翁妥籌示復

寄美京梁大臣福參贊

三月二十九日

鄂督電票售他國縱美商出面必聽命於人十七條是鐵據萬難通融望切電梁使福開森必辦到廢約爲止倘稍含混將來他國干預誰執其咎又湘紳全省士民

公呈美股售比卽售法全湘關係請切詰背約立廢合  
同又各督撫公電美將粵漢北段售比湘鄂紳民不願  
應電尊處堅持廢約等語前因未得確據派福往查並  
咨梁大臣明售暗替斷不可行免致合同中廢福遞呈  
總統美復三事究足恃否粵漢官紳現動公憤 諭旨  
路政須督撫會辦自應趁此切詰不稍含糊一美公司  
應收回他國股分以符葛利面告粵督之語仍請美廷  
擔認皆屬美股二他國股如有明售暗替是違約咎在  
彼合同卽廢一切善後另案辦理務請妥商照會美部  
以證美政府承認之實事關三省官紳士民公電重大



斷難通融乞速照辦電復轉告

● 張香帥端午帥來電 三月二十九日

美公司將粵漢鐵路北段分售比國實與合同第十七條大相違背此事非獨湘省紳民不願鄂省紳民亦極不願大局所關其害不可思議鐵路歸公專政務望按照合同第十七條堅持力辯立將此約作廢以杜後患梁星使及福開森處自應由尊處切實電致照辦方能得力禱甚盼甚

寄湘紳龍侍郎湛霖諸公 四月初一日

勘電粵漢美約應由敝處切詰公司背約之咎立廢合

同爲正辦義正詞嚴至深悚佩查此路初係宣等奏請  
責成出使大臣伍在美國選招公司借款並派伍畫押  
雖非政府所立然外國視使臣卽政府代表也逮其票  
分售比國已屢向其政府公使切詰矣宣亦慮官樣文  
章彼多推諉商之總領事派美員福開森直見總統動  
以中美邦交權要關涉懇其擔認專權保護並宣布於  
衆使他人買票者曉然無權干預則易於收回尙幸美  
廷照復梁使較前稍有把握頃將公司電切告總領事  
古納據稱東三省鐵路直是俄國國家自辦與美公司  
借款合同迥別美政府旣認保護斷不容他國干預告

以該公司背約請美廷立准廢約彼云應商美廷查明  
合例方能控准除電梁使福開森力主廢約另詳次帥  
公電轉告外候梁復再奉達

寄長沙王灼棠中丞

四月初一日

別久奉電諸蒙關切感甚佩甚路礦各事凡弟經手者  
決不容外人侵佔故續約第十七條弟所加增今幸賴  
此稍可與爭分辦一層早已罷論美國專權保護亦已  
辦到惟廢約斷非該公司所甘心姑候梁使復電再與  
律師商酌張道來滬甚盼相助

寄張香帥端午帥趙次帥

四月初一日

香帥沁電艷公電均悉美公司暗售比股伍使在美詰問美公司不認康使在京葛利在滬亦不認近因兩黨爭權美董柏生士向梁使商分辦宣力拒議早寢梁請美廷詰柏董柏復以美公司股票售他人例不禁宣亦恐官樣文章無濟於事遂商美古領事派福開森赴美查察並商梁使徑遞節略請美廷主持又鈔全案函請外務部向康使計議以保守合同十七條爲宗旨接福省電節略呈後昨梁大臣照會美外部詢三事一美政府是否以爲合興實係美國公司二美政府願否專權辦理關係該公司之交涉事件三美政府願否將對待粵

漢之定見及保護之主義宣布於眾本日復稱美政府以爲合興實係美國公司若照現在經理辦法美國政府獨自有權辦理關係該公司之交涉事件美國願將對待粵漢之定見及該路合宜事件竭力相助之意宣布於眾如該公司改其規模辦法不合美政府之旨卽可不承認襄助等語梁電粵漢三事已詳福電另咨達云蓋美廷總以專權保護美公司借款辦路爲定見一經宣布他國雖買票亦無權且可易於買回惟後三句欠明晰已屬將洋文電來方知實義頃以鄂湘各電示古總領事據云美廷不以售票爲重而以權柄爲重美

既承認保護必須與美政府妥商辦法如欲廢約必須  
控告美公司斷輸方能廢約鄙見亦以立廢合同爲是  
頃電梁使福開森云鄂督電票售他國縱美商出面必  
聽命他人十七條是鐵據萬難通融望切電梁使福開  
森必辦到廢約爲止倘稍含糊將來他國干預誰執其  
咎又湘紳全省士民公呈美股售比卽售法全湘關繫  
請切詰背約立廢合同又各督撫公電美將粵漢北段  
售比湘鄂紳民不願應電尊處堅持廢約等語前因未  
得確據派福往查並咨梁大臣明售暗替斷不可行免  
致合同中廢福遞呈總統美復三事究足恃否粵漢官

紳現動公憤 諭旨路政須督撫會辦自應趁此切詰  
不稍含糊一美公司應收同他國股分仍請美廷擔認  
皆屬美股二他國如有明售暗替是違約咎在彼合同  
卽廢一切善後另案辦理務請妥商照會美部以證美  
府承認之實事關三省官紳士民公電重大斷難通融  
乞速照辦復電轉咨等語候梁福復電再奉聞此電請  
次帥轉交湘紳龍侍郎諸公同鑒

寄北京伍侍郎

四月初二日

呂大臣會電

頃接南洋電濬浦事先經袁道詢各領但求開通別無  
他意現擬自辦五條復由袁道商經各領會議已允轉

呈公使與外部會商事已轉機再得政府堅持勿搖當  
可有成若得自辦保全權利實大惟與外人議事必多  
刁難現雖切電不能無慮求兩公賜再切懇伍公主持  
大局幸甚一切商辦情形已令袁道面陳等語並據袁  
道極言各領原議章程借濬浦爲題侵佔利權非細且  
亦須自籌每年二十餘萬而我主權盡失今議全認自  
辦名爲多籌一半實則必可節省此事和約所載決難  
中止然不要各國商輪按噸捐助中國自認獨籌而辦  
法仍與熟商南洋堅持到底論理似可允洽所慮常費  
難籌非指實不可事關長江權利勢亦難於惜費衡其



輕重當無疑義公智珠在握必能爲邸部切實言之無俟弟等贅論也

寄美京梁大臣

四月初二日

請知照受託公司如未先有本大臣允准字樣不得將小票交出此乃按照續約第一第五款所予本大臣之權衡辦理

又

四月初二日

美復如該公司改辦法不合政府之旨卽不承認相助似指後來現合興底股他國過半董多他舉惠函稱美難售票惟比可買已明改合同辦法不待將來請復美

部現不合宜即可廢約福同覽

張香帥端午帥趙次帥來電

四月初二日

沁艷兩電想達覽未知近日在美辯論如何同深  
焦急頃復接湘紳公呈公電痛陳利害詞意極爲  
危切鄂人議論亦同倘此約不廢將來比人來湘  
工作楚人風氣剛勁業已聲明斷不承認屆時勢  
必合力阻拒萬一激生他變將何以善其後弟等  
實無詞以對楚人務請尊處據理直爭力廢此約  
免滋巨患曷勝迫切盼禱之至並祈迅賜電復

寄外務部商部

四月初三日

二月二十七日詳函計塵鈞察福開森馬電稱經使署  
商務部柔克義先謁總統代陳美公司暗售比股有礙  
國際總統屬具節略交各部會議宥電稱昨梁大臣照  
會美外部詢以三事一美政府是否以爲合興實係美  
國公司二美政府願否專權辦理關係該公司之交涉  
事件三美政府願否將看待粵漢之定見及保護之主  
義宣布於衆本日復稱美政府以爲合興實係美國公  
司若照現在經理辦法美國政府獨自有權辦理關係  
該公司之交涉事件美國願將看待粵漢之定見及該  
路合宜事件竭力相助之意宣布於衆如該公司改其

規模辦法不合美政府之旨即可不承認相助等語又接梁電外部復粵漢三事已詳福電另咨達云似此美廷已承認獨自有權辦理該公司交涉勝於從前推諉昨復梁電云外部復第三節如該公司改辦法不合美政府之旨即不承認相助似指後來現在查實合興底股他人買得過半已明改合同辦法不待將來請復外部現不合宜即可廢約云惟美廷視現在辦法尙無不合諒以美國並無公司不准售股他國之例故只重在事權前葛利面稱比股三分之二係合興公司擬設之始總括華美各種商務鐵路祇商務一端不能賅及全

體哈華托律師云譬如匯豐遵英國律例亦難禁其不  
售股他國美已承認保護交涉則責任均在美國若欲  
因其公司售股改議廢約恐辦不到只能認定第七款  
此鐵路實係中國產業第十七款美國人不能將此合  
同轉與他國人爲一定宗旨如要廢約必須美政府應  
允云事關重大乞大部主持並請伍侍郎再與康使熟  
籌示復

又四月初三日

粵漢如必欲廢約必須先將簽字小票勒住不發頃電  
梁使請知照受託公司如未先有本大臣允准字據不

得將小票交出此乃按照續約第一第五款所予本大臣之權衡辦理云查小票尙未出售僅有美公司墊款三百萬金元如數提出抵押惟梁使去年八月初十日致該公司函云小票今已簽完已由使署交出隨時可由農務受託公司隨時轉付貴公司等語此係國家借款小票應請大部加電梁使知照受託公司如未先有大部及做處允准字據不得將小票交出此實廢約第一關鍵

寄美京梁大臣

四月初三日

兩湖督撫公電楚紳公呈聲明斷不承認楚風剛勁倘

不廢約必合力阻止工作云此皆紐約各報所激無可  
挽回請轉福直告合興

寄伍侍郎

四月初三日

美外部已認專權保護湘官紳定要廢約鎮東無復請  
商員外部康使其售股廢約合美例否大約爭鬭無益  
必須想一善法使美政府願助我廢約方妥巴時致藹  
庭函云閣下有好辦法乞電示

外務部來電

四月初五日

江四電均悉查前閱美國新聞紙載粵漢公司總  
辦維德阿函告報館辯明該公司股票雖分售比

人仍係美人承辦盛大臣前與盧漢公司訂明倘  
粵漢路約作廢卽歸盧漢承辦現議廢約則此路  
反爲比公司所得云查該總辦所稱尊處與盧漢  
公司訂明一節是否有文函作據希卽詳復

寄京外務部

四月初六日

二十四年美訂草約之時附件有云盧漢比約如中變  
當先儘美公司故比亦函來照索曾復沙多函云粵漢  
美約如中變當先儘比公司此皆指兩國草約有無中  
變而言不過借此互相激勵其成功故不載入合同亦  
不咨請核准及詳細合同定後此說早廢且盧漢比公



司與現買粵漢股之比人並非一家如廢美約其買股之比人不能持此爭執前因新聞紙提及此事已派繕函之法文參贊柯道鴻年與沙多道破沙多以爲笑談柯道日內到京請面詢便知其無礙

鄂紳李方伯紹芬等來電

四月初七日

粵漢鐵路北段有比人假法款入股查美立合同第十七條原不准轉與別國此次背約售股將來比股日增法權卽日重關係太大萬難通融此事初由鄂紳具呈督院建議開辦自美立合同故未置論今鄂人實受其累紹芬等誼關桑梓豈能漠

視聞湘省官紳已有電求挽阻而福開森到美爭論至今尙無成議務懇公鼎力主持將約作廢歸鄂自辦勿與美廷含糊了結致日後稍有貽累鄂人之幸大局之幸李紹芬吳兆泰黃元善但湘良楊守敬王俊吳恩燾王銘忠陳曾壽黃慶曾同叩  
梁大臣來電

四月初九日

庚子冬據說合興已售比三之二今美政府允任獨自有辦理關涉該公司交涉事件之權已盡補救辦法美政府既認合興爲美公司亮必堅持應否廢約請商鄂湘粵酌行

太原張筱帥來電

四月初九日

晉礦承派礦師來勘極佩然無論彼我皆非鐵路不能運銷獲利路工艱費萬狀故爭製鐵宜先爭造路已遵前電鈔錄合同分咨兩部暨尊處備查並附鄙見以待採擇前飭各屬設立礦業公會澤州紳民已稟定立案不准私售惟無實力相抵能否不爲所佔殊無把握紡機已派員赴津查明凡鍋爐引擎紡紗應用幾件俱全大小五百餘一千三百餘箱並電燈五百餘盞原價二十六萬兩約可變價若干或須派人點視再行議價乞示

寄張筱帥

四月初九日

澤道鐵路部定中國自造與正太同將已成議製鐵亦已爭同自辦第並擬將鐵礦亦爭同中英合辦以保利權務求閣下將不論官地民地凡屬鐵礦悉照澤州先由公會佔住照約須有華商執產方不能奪無窮鐵利失而復得公真再造三晉萬勿放鬆紡機請派員携帳來滬面與商人籌議諒須點檢定價布機存何處

寄端午帥轉交鄂紳李方伯紹芬等

四月初十日

陽電屬廢美約歸鄂自辦勿與美廷含糊了結至深佩仰查此路初係奏派出使伍大臣在美國選招公司代

借款在美盡押迫知其公司附入比股已屬向美使切  
詰近商美領派福開森直見總統並將湘紳公電轉寄  
梁大臣請與美廢約頃接梁電復稱今美政府照會允  
任獨自自辦理關涉該公司交涉事件之權美政府既  
認爲美公司亮必堅持又接福電美政府認獨有權自  
不任他國干預關係公司交涉事件此是正辦並非通  
融美例政府無權強使公司收回股分各省公電美不  
接認各等語查粵漢借票均在美國尚未出售比所附  
者美公司之股分而該公司股分亦非專辦粵漢鐵路  
律師云美並未將合同轉與他國故美政府只認有權

愚齋存稿

卷六十四

集部四十一

三

愚齋存稿

保約不認背約恐難強勒等情現仍電請外務部梁大臣合力廢約弟責無旁貸斷不含糊

寄梁大臣

四月十一日

福開森請與最有名望之律師商酌以下諸條並請公文詢美外部之意如何一執美公司股分票之他國人而又不佳美國者美法司能管到如何地步二如美政府不認合興公司股票之他國人其權力照律如何其非美國人而執中國鐵路借款小票者與中政府有何關係三執票之他國政府因關係而與中政府有所交涉此時美政府能幫助中政府到如何地步

梁大臣福參贊來電 四月十一日

昨往紐約查合興股票冊美國名三千二股內有  
美前副總統慕敦上議院紳銀行總理慕葛地波  
培而磨百老股外國名二千八百股內有帶士窩  
路德共八百股據稱旬內移售美國人據律師福  
士達稱按例祇能認冊核明列名籍不能以疑其  
暗替相責彼中情形美政府已盡悉美政府祇有  
權認合興爲美公司合興辦事一切除關係國際  
交涉事件外均有律例限明美政府不得過問云  
合同廢否由我自主應由督辦與合興直接惟廢

後合興與訟美必干預希酌奪施行葛利因濫費任性已革並陳

又 四月十三日

遵商科士達據云凡屬美國公司其外國股東居於別國者除自己情願外美國公堂無權轄制他惟倘若該美公司改變其國屬及美政府不再認其爲美公司則美國公堂之堂判仍可關涉該股東之股份而該外國股東在美國實不能說話且無論如何該股東亦不能出其政府之力達於美國公堂至外國人非美屬者掌執中國政府鐵路



小票如利息依期照付及票本滿期贖回則彼等  
於中國政府無所交涉並不能有何告愬至末段  
問題所設譬之案美國政府不參以議論只要有  
實在一案到時方能酌辦福曾商外部公法最著  
名之人倘需再商他人希電示

寄魏午帥袁慰帥

四月十五日

呂大臣吳大臣會電

敝處前據紅十字會所請由外部轉商兩戰國認允據  
日復該會欲在戰地行事不能兩立據俄復本國此會  
敷用無須借助各等語會董又以在戰場外辦事兼須  
救護難民出險營口已辦等情請再電外部據情再商

迄尙無復而營口分會已由就近俄官允准滬旅會紳  
商前往添設關內外分會呈由外部轉商兩駐使請發  
護照日使先有決不攔阻之語俄使已將華俄合璧護  
照八張發給皆在畫押明發以前不明認而有此默許  
之據歷據該分會函電三月底止救護出險難民二千  
餘人辦理漸有成效慰帥於此中曲折情節做處尙未  
及縷告是以元電有再爲商請之語此會重在治傷附  
及救難是確切宗旨外務部既奏請頒給張使畫押全  
權現又明發特頒內帑沈任施道等正在籌商中國紅  
十字會辦法期與章相合慰帥元電已電覆照辦統請

慰帥主政矣

魏午帥來電

四月十五日

粵漢幹路經由湘省南北洞達美公司前約五年  
竣工時閱四年未動尺寸今又背約將股票私售  
比國實係法股張趙兩帥及湘紳迭次電請尊處  
據約駁詰立廢合同由湘省集款自辦現已議有  
端倪並非空言抵制惟探聞尊意在收同比股曲  
全美約與湘紳欲責美背約立廢合同命意不同  
更恐美公司有暗中售比佯稱收同情弊路權所  
在利權隨之後患滋大幸彼有違約之咎續約本

訂有背約作廢之條據湘紳電請轉懇尊處力持  
廢約勿再曲爲求全前來應請察酌辦理如能挽

回大局幸甚

寄魏午帥

四月十七日

鐵路集款自辦本屬上策合同作廢一節前已派員赴  
美查其集股底冊並咨請梁大臣向美政府指款駁詰  
卽爲廢約地步誠以辦事必須腳踏實地並非先有曲  
全之成見旋准梁大臣電稱接美政府照會其詞意自  
謂美公司現在辦法並無不合是與我看題不同弟迭  
接湘電又電外務部梁大臣力主廢約昨接梁電稱廢

約則美公司必興訟美政府必干預又與律師再三商酌據云分售他國小票公司例不能禁第十三款載明准售別處美公司並未將合同轉與他國故美政府只認有權保約不認背約恐興訟無把握但鐵路是中國產業祇向外國借款仍宜爭回合同權柄等語正擬再商外務部興訟干預之後國家當如何因應頃承尊示湘紳轉囑勿再曲爲求全自未便再顧後來交涉本日已將尊電面諭美公司代表人經士科卽電美公司定准廢約此後興訟交涉利鈍損益弟固責無旁貸但求尊處速商湘中公舉賢員來滬會辦並請官紳合籌

鉅款以備應用如香帥未行並祈轉達

寄北京楊彝卿觀察

四月十七日

瞿尙書交閱湘紳公電敝處現已接到大致相同鐵路集股自辦本是上策惜自二十四年伍大臣在美定草約日起至二十八年外務部復奏續約核准之日止數年之內未有此議第十八款載續約核准起除事故外五年爲限彼於二十八年核准卽墊三百萬金洋來華開辦粵佛山三水已開車英德已購地開工湘地已插標核准估價若非事故今春亦必開築此層恐難指爲背約惟該公司股分分售比國實出意外屢詰駐使公

司均不認及撤葛利方始認確因商古納派福開森赴美查冊直接美外部聲明違背第十七款卽應廢約美外部照復梁使美政府認定獨權辦理該公司交涉事件宣布於衆不認現在辦法爲背約湘紳倡議廢約自辦宣又力請梁使照會美廷接梁電云美公司必興訟美政府必干預切囑熟商乃詢律師哈華託則云公司分售股票例所不禁卽如英國匯豐銀行歸英國管轄而不能禁其不售票他國第十三款載明小票或倫敦或別處可通銷彼未將合同轉與他國恐興訟無把握但鐵路是中國產業祇向外國借款有錢卽可贖回仍

宜遵守合同權限等語鄙意則欲仗美外部宣布獨權中國亦可布告此合同專認美國人力爭董事工程司行車總管均不准用他國人如能再進一步做到另換美公司則比股自退宣赴金陵香帥午帥面商亦深慮過於操切變本加厲別生枝節凡辦事必期穩實庶免國家重累正擬再商外務部如美興訟干預後當如何因應惟湘紳派席道來晤必欲廢約自辦切囑勿再求全再四焦思自未便瞻顧後來交涉現已面告美公司代理人經士科卽電美公司定准廢約此後興訟交涉損益難料宣固責無旁貸但求瞿尙書轉致湘中公



舉賢員來滬會籌辦法並須預籌鉅款以備償還美公司用項乞閣下轉稟尙書代求訓示迅速電復

外務部來電

四月十八日

昨准湘紳公電美將股票私售比國實係法股盛意係在收同比股曲全美約紳等係欲責美背約立廢合同且美公司暗中售比佯稱收同我又何從查察路權所至利權兵權隨之後患何堪設想等語美政府承認合興公司是否確係有權不任他國干預福開森欲商退比董能否辦到提票之法有無把握茲事關係甚鉅此時若稍涉遷就將

來愈難補救務卽竭力設法切實挽回以裨大局  
希詳細察酌妥辦並電復

寄外務部戶部

四月十九日

近因湘紳來電不以曲全美約爲然定要立廢合同由  
湘自辦是以將前商不任他國干預及退比董提小票  
各節均暫擱起昨已面告美公司代理人經士科定准  
廢約惟據梁使電復美外部看現在辦法並無不合若  
廢約則美公司必興訟美政府必干預律師云公司分  
售股票例所不禁彼並未將合同轉讓他國美政府只  
認獨自有權保約不認背約興訟實無把握美領事古

納聞信來勸以美政府認合興是美公司勢必出頭干預若廢約必停工停工必賠償恐變本加厲無益有損且他國人雖買股分公司終屬美國比又何能干預等語似此興訟交涉利鈍損益殊難逆料宣懷責無旁貸雖明知廢約國家必喫虧然亦何敢畏難瞻顧致違公議惟有請外務部速電湘紳公舉賢員來滬會同商辦並由湘省或戶部速籌鉅資以備償還美國墊款並請伍侍郎詢明康使中國已定廢約停工卽由湘省官紳籌還墊款三百萬金圓以及利息美政府能否諭令美公司卽行了結乞速電示機宜以便飭令停工

寄京外務部

四月二十一日

葡白使帶同澳門新設鐵路總會公舉之總董伯多祿來議粵澳鐵路請由澳門造至佛山或三水爲止並在香山順德新會三水四縣地方築造枝路已照函示訓條與議尤要者既扼定商辦彼派葡商爲總董華商一半股分約須集股二百萬而寓澳華商向歸西洋保護必欲入澳股之內華商自應舉一總董與伯多祿議訂合同散處與白使只可督同籌議轉請兩國政府核准方是真正商辦白使亦以爲然又據稱該使已照請公司設在澳門部已允准既是澳門公司卽應悉照西洋

律例告以一出澳門俱屬華界且華股逾半商部已定專例自應照中國商律彼云若如此則澳商必不入股此二端係合同要旨此路既歸商辦似應請由商部即日選商來滬與伯多祿議訂合同現有商部兩參議在滬並應請酌派一參議與議以符宗旨乞鈞示

又 四月二十五日

頃接梁使復電合興已提小票五百五十四萬元現定廢約擬籌辦法如下一湘省或戶部預籌款項以備贖回提出抵借之小票二慎訪美國或他國著名律師將案情研究以備美公司興訟三事關地方又牽交涉應

請旨派大員會辦俾臻妥協四由總公司發明文直告美公司廢約改由湘鄂自辦五廢約即便停工資遣美國工匠百餘名同國總公司如不得直預備賠償各款六由外務部照會駐京康使由駐美梁使照會美外部聲明中國廢約主義以上各條是否有當自應請貴部迅速示遵辦理

外務部來電

四月二十八日

英使照稱近有人謀用中國與德國款項合修由上海至乍浦至杭州鐵路一段業經浙撫轉咨盛宮保查核查華英公司前已訂立草約准由滬甯

鐵路之閒造一直路徑抵杭州如復有上海杭州鐵路兩路相爭與華英公司利益大有妨礙請勿允准等語該使所稱是否屬實希查明迅卽電復

寄外務部

四月二十八日

浙撫咨商以錢紳錦孫等請照商部章程擬合德商另辦上海至乍浦海口乍浦至杭州湖墅鐵路以牽制英路立說查所議有應駁三端一杭滬已有蘇路可通另造徒糜資本二德商係認股非借款華商一半亦係德商影射更非借款還本卽行自管者可比三英商恐分利不能還本亦必相爭總公司正在咨駁浙撫亦必以

爲然也

外務部來電

四月三十日

康使稱聞盛宮保擬將粵漢鐵路合同作廢因該公司接通商集股辦法招有別國股分本國政府之意則以該路美華合興公司確係美國公司如有何交涉之事應照所定之章辦理惟本國政府有辦理此交涉之權於他國則無預等語希查照

愚齋存彙卷第六十四